

**Oqaluuserisassanut nassuiaat.**

(Inatsisartut Siulittaasuat)

Inatsisinut Ataatsimiititaliaq qinnuteqarpoq oqaluuserisassani immikkoortup 109-p aappassaaneerneqarnissaata ullumi novembarip ulluisa 13-iannit novembarip ulluisa 19-iannut nuunneqarnissaanik.

Imm. 109: Akileraartarnermut Oqartussaasut ataanni immikkoortorta qarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroomartunik niuerniartarnermut attuumassuteqartup, paasineqarnissaanik siunertaqartussamik pilersitseqqullugit Naalakkersuisut peqquneqarnissaannik siunnersuut, tamanna pissaaq akileraarusuinermi annertunerusumik suliniuteqarneq aqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisunik unioqutitsilluni pissarsiaasimasut paasineqarsinnaaqullugit.

Siunnersuuteqartup oqaluuserisassani immikkoortoq 97 tunuartippaa.

Imm. 97: Ukioq 2016 naatinngu tamatta oqartussaaqataanerput innuttaasullu pisinnaatitaaffii qitiutillugit paasisitsiniaanernik aallarniinnissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

Immikkoortoq ullumi siullermeerneqartussaagaluarpoq.

Aalisarnermut, Piniarnermut Nunalerinermullu Ataatsimiititaliaq qinnuteqarpoq oqaluuserisassani immikkoortoq 124-p aappassaaneerneqarnissaata kinguartinneqarnissaanik.

Imm. 124: Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx xx 2015-imeersoq.

Immikkoortoq maanna ulloq 24. november aappassaaneerneqassaaq, 1. december pingajussaaneerneqarluni.

**Ilaasortat uku akornanni taasisarnerit pillugit isumaqatigiissuteqartoqarpoq:**

Sara Olsvig, Inuit Ataqatigiit aamma Poul Hansen, Demokraatit